

tura quadam progignente. Hunc tamen prætermisit Isidorus.

CAP. LXVIII.

Nudipedales, & eorum hæresis.

EST alia hæresis, nudis pedibus, & semper ambulantium, eò quòd Dominus dixerit ad Moſem, vel ad Iofue, Solue calceamentum de pedibus tuis. Et quòd Prophe-
ta Iſaias nudis pedibus iuffus fuerit ambulare. Inde ergo hæresis eſt, quia non propter corporis afflictionem ſic ambulant, ſed quia testimonia taliter intelligunt.

I Nudis pedibus.) Eſt & hic error, qui vana ſuperſtitio potius, quàm hæresis dicendus eſt, Monachismi fruticatio, & λ'χιον, quemadmodum plures alij vel iam à nobis obſeruati, vel qui poſtea notabuntur. Fuit enim hoc hominum genus, Monachorum dico, tam nouis, & à communi aliorum Chriſtianorum conſuetudine remotis viuendi ritibus addictũ, & gaudens, vt in dies iam receptos mutaret, probatos interpolaret, peregrinos induceret, denique nec finem nec modum in variando habitu, colore, geſtu, ciborum genere ſtatueret vllum. Inde enim orta ſunt tot Monachorum genera, & in quoque genere tot ſectæ, & diuortia, qui colore quidem, externiſque rebus inter ſe differunt, ſuperſtitione autem & falſa, atque adeò impia de operum ſuorum meritis, opinione ſunt omnes inter ſe iidem, & æquales. Hunc autem errorem, de quo nunc agimus, peperit κακοζηλία, dum illi ſe